

INUIT ATAQATIGIIT

INATSIARTUNI



20. august 2009

UKA 2009/43

Inatsisartut Suleriaasianni § 32 naapertorlugu aalajangiiffigisassatut siunnersuut imaattoq matumuuna saqqummiuppara:

Inatsisartuni aalajangiiffigisassatut siunnersuutigaara, Nunatsinni naalackersuisut Qallunaat Nunaanni naalackersuisunut isumaqatigiinniarnermik aallartitsissasut, nunatsinni ikiaroorartup atugaaneranut tuniniarneqartarneratalu akiorniarneqarneranut, Qallunaat Nunaanni nunatsinnilu politiit suliniutinut annertusaanissamik suleqatigiinnissaat siunertaralugu.

(Inatsisartunut ilaasortaq Olga P. Berthelsen Inuit Ataqatigiit)

Tungavilersuut:

Nalunngisatsit 2003-mi misissuinermi paasineqarpoq, nunatsinni inuusuttut akornanni ikiaroorartumik atuneq annertooujussuusoq. Ukiut maanna 6-7 missaasa qaangiunneranni inuiaqatigiit akornanni suli tusarsaavoq, inuusuttuaqqat akornanni ikiaroorartuq suli annertuumik atugaasoq. Ikiaroorartup inuusuttunit inuusussigaluttuinnartunit atugaanera annertuumik inuiaqatigiinnut ernumatitsivoq. Tamanna tungavigalugu Inuit Ataqatigiinni isumaqarpugut ikiaroorartup atugaanerata akiorneqarnissaa pimoorussamik siunissamullu ungasissumut atuuttussamik sulissutigineqartariaqartoq!

Inuit Ataqatigiinni isumaqarpugut suliniutinik siunissamut ungasissumut tunaartaqartunik pilersitsinngikkutta siunissami nunatsinni innuttaasut akornanni inuuniarnikkut ajornartorsiuteqarneq ullumikkornit suli annertunerulissasoq. Tamanna isiginngitsuusaarsinnaanngilarput, taamaattumillu nunatsinni naalackersuinikkut aammalu inuiaqatigiit akornatsinni ikiaroorartumik akiuiniarneq sakkortuumik sulissutigisariaqarparput.

Politeeqarnerup nunatsinnit suli tiguneqarallannginnerani, ilaatigut ikiaroorartumut tunggassutillit suli Qallunaat Nunaannit akisussaaffigineqarput. Ukiut kingullit ikiaroorartumut tunggatillugu suliassiissutigineqartartut eqqarsaatigissagaanni Inuit Ataqatigiinni isumaqarpugut suli tamakkununga tunggassutillit suliarineqarfissaminnit annikippallaartumik ingerlanneqartut.

Tamanna soorunami tungaveqarsinnaavoq Qallunaat Nunaanni aammalumi nunatsinni politiinik sulisussanik ikippallaartunik peqarneq. Taamaakkaluarpalluunniit ajornartorsiut taama annertugisoq tamatumani pingaarnersiuneq kisimi apeqqutaasutut isumaqarfigaarput.

Nunatsinni ajornartorsiuterpassuit imigassamik ikiaroorartumillu atuivallaarnermik ilaatigut pissuteqartut nalunngilarput. Ajornartorsiuterpassuit qaangerniarutsigit siullerpaamik suliassarput tassaavoq ajornartorsiutit qiterisaasa sulissutiginnissaat.

Tamanna siunertaralugu siunnersuuteqarpunga nunatsinni ikiaroorartup atugaanerata aammalu tuniniarneqartarnerata annikillissarnissaa siunertaralugu suli maannamiit annertunerunerusumik suliniuteqartoqassasoq.